



Aningaasaqarnermut Ataatsimiititaq

Immikkut ittumik ataatsimiinneq

Imaqarniliaq

Sisamangorneq 3. novembari 2016 nal. 14.00

Ilaasortat

Asii Chemnitz Narup (IA)
Justus Hansen (D) *oqarasuaatikku*
Ane Egede Mathæussen (S)
Peter Davidsen (S)
Per Berthelsen (S)

Ataatsimeeqataasinnaanatik nalunaartut

Ado Holm (IA)
Malene Lynge (IA)

Sinniisussatut aggersakkat

Charlotte Ludvigsen (IA)
Uju Petersen (IA)



Oqaluuserisassat

1. Oqaluuserisassat akuerineqarnerat.....	3
2. Nalunaarutit	4
3. Ilisimatitsissutit.....	5
Soqanngilaq.....	5
4. Apeqquteqaatit.....	6
Soqanngilaq.....	6
5. Aalajangiiffigisassat	7
Soqanngilaq.....	7
6. Suliassat Kommunalbestyrelsimi aalajangiiffigisassat	8
06A Kommuneqarfik Sermersuumi nalinginnaasumik upalungaarsimanissamut pilersaarummik akuersissuteqarneq.....	8
06B Annaassiniarnissamut upalungaarsimaneq pillugu immikkoortumut pilersaarummik akuersineq	11
06C Paamiut Nordhavn.....	14
06D Aningaasaqarnermut Ataatsimiititamit tunuarniuteqarneq	18
06E Atuarfeqarneq pillugu politikkip akuerineqarnera	21
7. Immikkoortut matoqqasut.....	24
07A Sulisoqarnermut tunngatillugu suliaq	24
8. Taasariaqartut allat	25
9. Imaqarniliap akuerineqarnera.....	26



1. Oqaluuserisassat akuerineqarnerat

06J Atuarfeqarneq pillugu politikki 06Emut nuutinneqarpoq.

Sanarfinermut Avatangiisinullu Ingerlatsivimmi Stabschef Hans Henrik Winther Johannsen aamma Runa Mathiesen Illoqarfimmik Inerisaanermeersoq immikkoortut 06Amiit imm. 06Cmut najuupput.

Eqqartuussissuserisoq Niels Hansen Damm immikkoortoq 06C Paamiut Nordhavn najuuffigaa.

Meeqqanut, Ilaqutariinnermut Atuarfeqarnermullu Ingerlatsivimmi pisortaq Helene Broberg Berthelsen aamma atuarfeqarnermut tunngasuni fagchef, Jesper Madsen immikkoortup 06E Atuarfeqarnermut politikkip akuersissutigineqarnissaa pillugu suliarinerani najuupput.

Per Berthelsen (S) immikkoortuni 06D Aningaasaqarnermut Ataatsimiititamit ilaasortaajunnaarnissaaq pillugu aamma 06E Atuarfeqarneq pillugu politikkip akuersissutigineqarnissaa pillugu oqaluuserineqarmata attuumassuteqarnini pissutigalugu najuutinngilaq.

Oqaluuserisassat akuerineqarput.



2. Nalunaarutit

- 1.** Ulloq 1. novembari Borgmesterip attuumassuteqatigiinnermut atatillugu Arktisk Kommandomi pisortaq, Generalmajor Kim Jesper Jørgenseni ataatsimeeqatigissavaa.
- 2.** AWG 2016imut eqqaassutissiaq ulloq 4. novembari nal 16.30 Katuap saavani uleerseqassaaq. Kommunalbestyrelse qaaqquneqarpoq.
- 3.** LNS Greenland Gems A/Sip Aappilattumi Rubinisorfimmik tigusineranut atatillugu LNS Greenland Gems A/S, Kommuneqarfik Sermersooq aamma Naalakkersuisut IBAmut addendumi (isumaqatigiissut) atsioqatigiissapput.
- 4.** Meeqqanut, Ilaqutariinnut Atuarfeqarnermullu Ingerlatsivimmi pisortartaaq Helene Broberg Berthelsen 1. novembari atorfinippoq.



3. Iisimatitsissutit

Soqanngilaq.



4. Apeqquteqaatit

Soqanngilaq.



5. Aalajangiiffigisassat

Soqanngilaq.



6. Suliassat Kommunalbestyrelsimi aalajangiiffigisassat

06A Kommuneqarfik Sermersuumi nalinginnaasumik upalungaarsimanissamut pilersaarummik akuersissuteqarneq

Aalajangiiffigisassaq

J.nr.: 85.02

Sanarfinermut Avatangiisinullu Ingerlatsivik - pisortaq Mike Jakob Kristiansen / MJKR

Suliassamik eqikkaaneq

Upalungaarsimanissamut pilersaarut ajutoortoqartillugu ajunaarnersuaqartillugulu aamma pisup isumagineqarnissaa pillugu ajornartoornermi aqutsisoqatigiinnik pilersitsinissamut pisariaqartitsiffiusuni atorneqartarpoq. Taamaalilluni pilersaarummi ajornartoornermi aqutsisoqatigiinnik pilersitsinissamut pissutsit allaaserineqarnissaat siunertaavoq, taamaalilluni Kommuneqarfik Sermersuumi suliassat sukkasuumik sunniuteqarluartumillu suliarineqarsinnaalerlutik.

Suliaq Sanarfinermut Avatangiisinullu Ataatsimiititami 1. novembari oqaluuserineqarpoq, tassanilu inassuteqaatit ataatsimiititamit akuersissutigineqarput.

Inassuteqaat

Sanarfinermut Avatangiisinullu Ataatsimiititap Aningaasaqarnermut Ataatsimiititamut inassuteqaatigaa:

- Kommuneqarfik Sermersuumi nalinginnaasumik upalungaarsimanissamut pilersaarummut siunnersuut akuerineqassasoq
- upalungaarsimanermut pilersaarut akuersissutigisassanngorlugu Kommunalbestyrelsimut ingerlateqqinneqassasoq

Aalajangerneq

Aningaasaqarnermut Ataatsimiititap aalajangernera sisamanngorneq 3. novembari 2016-imeersoq: Aningaasaqarnermut Ataatsimiititap inassuteqaatit akuersissutigai.

Imaattumik allannguuteqartillugu:

Suliaq Kommunalbestyrelsimut ingerlateqqinneqalerpat inassuteqaatinut ilanngunneqassaaq:

- suliaq akuersissutigisassanngorlugu Naalakkersuisunut ingerlateqqinneqassasoq.

Suliassamik saqqummiussineq

Kalaallit Nunaanni annaassiniarnissamut upalungaarsimaneq aamma ikuallattoornissamut qaartoornissamullu pitsaaliuineri iliuusissat pillugit Inatsisartut inatsisaat nr. 14, 26. maj 2010-meersumi Kap. 5, § 21 naapertorlugu Kommunalbestyrelse kommunimut upalungaarsimanissamut pilersaarusiortussaavoq. Kommunit upalungaarsimanermut pilersaarutaat upalungaarsimanissamut ataatsimiititaliamut tusarniaassutigalugit nassiunneqassapput. Pilersaarut ineriartortitsinerup pisariaqartitaanik iluarsaanneqartassaaq, kommunimili qinigaaffiup nalaani ikinnerpaamik ataasiarluni. Pilersaarutit tamakkulu iluarsinertai Naalakkersuisunit akuerineqartussanngorlugit taakkununga nassiunneqassapput.

Annaassiniarnissamut upalungaarsimasut maannakkut ikuallattut pillugit ileqqoreqqusaateqarput nutaanngitsumik 1980-imi novembarip ulluisa 20-anneersumik aamma ikuallattut pillugit Upalungaarsimasut ileqqoreqqusamik nutaanngilisumik 2007-meersunik maannakkut peqarput, taamaattumik upalungaarsimanissamut pilersaarutissatut siunnersuut taanna nutaajuvoq.



Upalungaarsimanissamut pilersaarutissatut siunnersuut nutaaq nalinginnaasumik upalungaarsimanissamut pilersaarutitaqarpoq Kommuneqarfik Sermersuumi illoqarfinni nunaqarfinnilu tamani atuuttumik aamma ilanngussamik Actions Cardimik peqartoqarpoq. Actions Cardimi pisut qanoq aaqqiivigineqassanersut nassuiaatigineqarput, pisoqarfiusumi kina akisussaasuussanersoq, oqartussaasut sorliit akuliutitineqassanersut aamma kikkut attaveqatigiittassanersut paasissutissallu oqartussaasunut eqqortunut ingerlateqqittassaneraat allaaserineqarput. Actions Cardeni inoqarfinniit inoqarfinnut allanngorartuusinnaavoq taamaattumillu ineriartorerup malitsigisaanik pisariaqartinneqaleraangat iluarsaanneqarsinnaasariaqarpoq.

Aaqqiissutissatut siunnersuut – suliatigut naliliineq

Upalungaarsimanissamut pilersaarutissatut siunnersuut aamma Action Card oqaaseqaateqarfigineqartussanngorlugu Pinngortitamut, Avatangiisinut, Inatsisinillu Atortitsinermut Naalakkersuisoqarfimmut nassiunneqarnikuuvoq. Akissuteqaammi siunnersuut suliarilluagaasoq aamma piareerpat Kommunalbestyrelsimillu akuerineqareerpat nassiunneqassasoq allassimavoq.

Aningaasaqarnikkut sulisoqarnikkullu naliliinerit
Soqanngilaq.

Inatsisitigut tunngavissaq allakkallu tunngaviusumik uppernarsaatitalit

Kalaallit Nunaanni annaassiniarnissamut upalungaarsimaneq aamma ikuallattoornissamik qaartoornissamillu pitsaaliuinerimi iliuusissat pillugit Inatsisartut inatsisaat nr. 14, 26. maj 2010-meersoq Kap. 5 Upalungaarsimaneq pillugu pilersaarusionerq il.il. § 21

Ingerlariaqqinnissaq

Pilersaarut ineriartortitsinerup pisariaqartitaanik iluarsaanneqartassaaq, kommunimili qinigaaffiup nalaani ikinnerpaamik ataasiarluni. Nutaanik Actions Cardiliortoqassaaq imaluunniit ineriartortitsinerup malitsigisaanik pisariaqartinneqaleralpat iluarsaanneqassaaq. Pilersaarutit tamakkulu iluarsinertai Naalakkersuisunit akuerineqartussanngorlugit taakkununga nassiunneqassapput.

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfimmit inassuteqaatit akuersaarneqarput.

Oqaaseqaatigineqartut allat

Siunnersuut Namminersorlutik Oqartussani Upalungaarsimanissamut Ataatsimiititaliamut nassiunneqarpoq, Upalungaarsimanissamut Ataatsimiititaliap allatseqarfia Kalaallit Nunaanni annaassiniarnissamut upalungaarsimaneq aamma ikuallattoornissamut qaartoornissamullu pitsaaliuinerimi iliuusissat pillugit Inatsisartut inatsisaat nr. 14, 26. maj 2010-meersumi § 21 malillugu tusarniaavigineqarnissaminut periarfissinneqarpoq. Upalungaarsimanissamut pilersaarut pitsaasuusoq Upalungaarsimanissamut Ataatsimiititaliamit isummerfigineqarpoq.

Tusarniaanermut akissutini oqaaseqaatit Upalungaarsimanissamut pilersaarummi iluarsineqartumi ilanngunneqarput. (Iluarsiiisutit aappaluttumik allaqqapput).

Kommunimi Upalungaarsimanissamut Ataatsimiititaliaq Upalungaarsimanissamut pilersaarut pillugu ataatsimiippoq innersuullugulu siunnersuut Kommunalbestyrelsimit akuerineqassasoq.

Pinngortitamut, Avatangiisinut, Inatsisinillu Atortitsinermut Naalakkersuisoqarfik naapertorlugu siunnersuut politiinit nassuiarneqartariaqaranilu akuerineqartariaqanngilaq. Pilersaarutit tamakkuninngalu iluarsaassinerit Naalakkersuisunit akuerineqartussanngorlugit taakkununga nassiunneqassapput.



Innuttaasunik peqataatsineq/attaveqaqatigiinneq

-

Siusinnerusukkut aalajangerneq

Sanarfinermut Avatangiisinullu Ataatsimiititap aalajangernera marlunngorneq 1. novembari 2016imeersoq:

Sanarfinermut Avatangiisinullu Ataatsimiititap inassuteqaatit akuersissutigai

Ilanngussat

1. Kommuneqarfik Sermersuumi nalinginnaasumik upalungaarsimanissamut pilersaarut ilassutitalik.



06B Annaassiniarnissamut upalungaarsimaneq pillugu immikkoortumut pilersaarummik akuersineq

Aalajangiiffigisassaq

J.nr.: 85.02

Sanarfinermut Avatangiisinullu Ingerlatsivik - pisortaq Mike Jakob Kristiansen / MJKR

Suliassamik eqikkaaneq

Immikkoortumi pilersaarusiampiipput, Kommuneqarfik Sermersuumi annaassiniarnissamut upalungaarsimaneq pillugu sanaartugassatigut suliniutissat. Immikkoortumut pilersaarut sunniuteqarluartumik pilersaarusiornermi sakkutut isigineqassaaq, qatserutaasiviit taakkunanilu atortut Annaassiniarnissamut upalungaarsimaneq pillugu sukkulluunniit atuuttut anguniakkatut aalajangerneqartut naapertorlugit inissinneqarnissaannik, aaqqissuunneqarnissaannik ilusilersorneqarnissaannillu qulakkeerinnitsisussaaq. Tamassumunnga peqatigitillugu kinguneraa Immikkoortumut pilersaarusiaq piffissami pilersaarusiornifiusumi allannguutinut aamma pisariaqartitat allanngornerannut nutaanulluunniit tunngatillugu ingerlaavartumik nutarterneqartarnissaa.

Immikkoortumut pilersaarutip 2016-imi killiffik aallaavigivaa, taannalu tunngavigalugu 2021-p tungaanut ukiunut tallimanut tulliuuttunut pilersaarummut nassuiaat allaaserineqarluni.

Suliaq Sanarfinermut Avatangiisinullu Ataatsimiititami 1. novembari oqaluuserineqarpoq, tassanilu inassuteqaatit ataatsimiititami akuersissutigineqarput.

Inassuteqaat

Sanarfinermut Avatangiisinullu Ataatsimiititap Aningaasaqarnermut Ataatsimiititamut inassuteqaatigaa:

- Kommuneqarfik Sermersuumi Annaassiniarnissamut upalungaarsimaneq pillugu immikkoortumut pilersaarummut siunnersuut akuerineqassasoq
- Annaassiniarnissamut upalungaarsimaneq pillugu immikkoortumut pilersaarut akuersissutigineqarnissaanut Kommunalbestyrelsimut ingerlateqqinneqassasoq

Aalajangerneq

Aningaasaqarnermut Ataatsimiititap aalajangernera sisamanngorneq 3. novembari 2016-imeersoq:
Aningaasaqarnermut Ataatsimiititap inassuteqaatit akuersissutigai.

Imaattumik allannguuteqartillugu:

Suliaq Kommunalbestyrelsimut ingerlateqqinneqalerpat inassuteqaatinut ilanngunneqassaaq:

- aningaasaliissuteqarnissamut pilersaarutit siunnersuutit piffissaliussallu 2017imut ilassutitut aningaasaliiffigineqarnissamik qinnuteqaatinut ilanngullugit saqqummiunneqassapput

Suliassamik saqqummiussineq

Annaassiniarnissamut upalungaarsimaneq pillugu anguniakkat pilersaarutillu annaassiniarnissamut upalungaarsimaneq pillugu immikkoortumut pilersaarummi allaaserineqarput. Qatserutaasiviit allilernerneqarnissaat qatserutaasivinnillu sanaartornissaaq, qatserinermi atortunik qatserisartullu biiliinik taarsersuineq nutaanillu pisineq minnerunngitsumillu qatserisartunik tamanik ilinniagaqartitsineq pineqarput. Ajutoortoqartillugu ajunaarnersuaqartillugulu inunnik, illunik aamma avatangiisinik ajoqusernissamut pitsaaliuinerumut, killilersimaarinerumut ikuunermullu atatillugu kiisalu nunami navianartunik akulinnik ajutoortoqariataartoqartillugu imaluunniit ajutoortoqarsinnaaneramik ernumanarsisoqartillugu annaassiniarnissamut upalungaarsimasuusut piareersimalluarnissaat siunertaavoq.



Immikkoortumut pilersaarummi uani ilaatigut 2009-mi kommunit kattunnerat tunngavigalugu ilaatigullu kommunimi innuttaasut katitigaanerisa nikerarnerat aallaavigalugu upalungaarsimaneq pillugu pilersaarummi matumani sammineqarpoq. Kommunimi illoqarfinnut anginerusunut nutserneq atuuppoq, pingaartumik Nuummut Tasiilamullu nutsertoqarput, illoqarfiilli nunaqarfiillu sinnerinit allamut nuuttut amerlassusii assigiinngillat. Kommunit kattussuunneqarnerisa kingunerisaanik Tunu kommunimut ilaalerpoq, paasinarsisimallunilu Tunumi aningasaliissutigut aserfallatsaalinnikkullu kinguaattooritit inissinniagassat annertoorujussusut.

Immikkoortumut pilersaarummi inerniliunneqarportaaq, pingaartumik billiutigineqartut pisoqalisimaqisut pisoqaassusissaanullu maleruqqusani piumasaqaatit eqqortinneqanngitsut. Tassunga tapiliullugu aamma sulisut ilinniagaqarnerinut inissinniagassanut kinguaattoortoqarsimavoq. 2020mi tungaanullu minnerpaamik katillugit DKK 70,8 mio.-it tikillugit iliuusissaqartoqassasoq aningaasaliissuteqartoqassasorlu paasineqarpoq.

Immikkoortumi malittarisassaqaartitsineq ullutsinnut naleqqukkunnaarsimavoq, tamannalu isumaqarluni sulisut amerlassusissaanun tunngatillugu pissutsit piviusut nalinginnaasumik inatsisitigullu piumasaqaatinut naapertuutinngitsut - pingaartumik najugassittarnerup allanngorarnera eqqarsaatigalugu. Inatsisissaq nutaaq kinguartinneqareerluni, maanna nutaamik inatsisiliortoqalerunarpoq. Inatsisissap nutaap atuutilernissaanut suliluunniit ulluliisoqanngimmat taassunga utaqqimaarunneqannginnissaa, Immikkoortumullu pilersaarummi suliniutigineqartussat aaqqissuussaasumik aallartisarneqarnissaat innersuussutigineqarpoq, taamaalilluni upalungaarsimaneq ullutsinnut naleqqunnerulerlunilu inatsimmut arlalitsigut naapertuunnerulersitsinissaq pisinnaaqullugu. Inatsimmi nutaami piumasaqaatit qasukkaatigissagaat naatsorsuutigineqanngilaq.

Aaqqiissutissatut siunnersuut – suliatigut naliliineq

Annaassiniarnissamut upalungaarsimaneq pillugu immikkoortumut pilersaarummut siunnersuut Upalungaarsimanissamut Ataatsimiititaliap ataatsimiinnerani saqqummiunneqarpoq oqaluuserineqarlunilu.

Amigaataasut iluarsisassallu amerlanngillat. Pilersaarut sukumiisumik atuarneqarpoq tullianilu Upalungaarsimanissamut Ataatsimiititaliap ataatsimiinnissaani 2016imi novembarip aallaqqaataata missaani oqaluuserineqaaqqissaaq.

Aningaasaqarnikkut sulisoqarnikkullu naliliinerit

Immikkoortumi pilersaarummi iliuusissatut pilersaarusiortoqarpoq, tassanilu aamma aningaasaqarnikkut missiliussat takussutissartaat ilanngunneqarpoq. Annaassiniarnissamut upalungaarsimaneq pillugu immikkoortortami sutigut tamatigut kinguaattooruteqartoqartoq, pingaartumik sumiiffinni avinngarusimasuni, tamanna kisitsisini takuneqarsinnaavoq.

Inatsisitigut tunngavissaq allakkallu tunngaviusumik uppernarsaatitalit

Upalungaarsimaneq pillugu suliaqarnermut aamma immikkoortumut pilersaarummik suliaqarnermut inatsisit uku tunngaviupput:

- Nalinginnaasumik qatseriartortarnerit sulisullu amerlassusilerneqarnerat pillugit kaajallaasitaq nr 1 marsip ulluisa 15-ianni 1994-imeersoq
- Kalaallit Nunaanni annaassiniarnissamut upalungaarsimaneq aamma ikuallattoornissamut qaartoornissamullu pitsaaliuinermit iliuusissat pillugit Inatsisartut inatsisaat nr. 14, 26. maj 2010-meersoq (maannamiit "Upalungaarsimaneq pillugu inatsit")
- Inatsisartut inatsisaata 2010-meersup allannguuteqartinneqarnissaanik Inatsisartut inatsisissaannut nr. 14, 3. december 2012-imeersoq



Immikkoortumut pilersaarummi sammineqarpoq, kaajallaasitaq 1994-imeersoq sulii attuuttuunera, taamaattorli illoqarfinni/nunaqarfinni atuuffiini pissutsit atuuttuusunut inuiaqatigiillu amerlassuusii eqqarsaatigalugit naapertuukkunnaarnikuulluni. Namminersorlutik Oqartussani Pinngortitamut, Avatangiisinut Inatsisinillu Atuutsitsinermut Naalakkersuisoqarfik inatsisunik nutarterinermik suliaqarpoq, pingaartumik kaajallaasitaq nr. 1 eqqarsaatigalugu, naatsorsuutigineqassaarlu ukiunut tallimanut immikkoortumut pilersaarutip iluaniissasoq.

Ikuallattoornermut maleruagassat siusinnerusukkut atuussimasut taakkulu taartissaatut missingiut Upalungaarsimaneq pillugu pilersaarummit taarserneqassapput, taannalu 2016-imi atuutilersinneqarnissaa naatsorsuutigineqarpoq.

Qatserisartoqarfinni sulisut ilinniartitaanissaat pillugu Namminersornerullutik Oqartussat nalunaarutaat nr. 33, 6. september 2001-imeersoq aamma ilaatigut imaqarluni aningaasartuutit Namminersorlutik Oqartussat kommunillu akornanni avinneqartarnissaat.

Ingerlariaqqinnissaq

Pilersaarut Aningaasaqarnermut Allatseqarfimmit akuerineqassaaq naggataatigullu aamma Kommunalbestyrelsimit.

Aningaasaqarnermut Allatseqarfimmit oqaaseqaatit

Soqanngilaq.

Oqaaseqaatigineqartut allat

Siunnersuut kommunimi Upalungaarsimanermut Ataatsimiititaliamit akuerineqarpoq.

Innuttaasunik peqataatitsineq/attaveqaqatigiinneq

-

Siusinnerusukkut aalajangerneq

Sanarfinermut Avatangiisinullu Ataatsimiititap aalajangernera marlunngorneq 1. novembari 2016imeersoq:

Sanarfinermut Avatangiisinullu Ataatsimiititap inassuteqaatit akuersissutigai.

Ilanngussat

1. Annaassiniarnissamut upalungaarsimaneq pillugu immikkoortumut pilersaarummut siunnersuut.



06C Paamiut Nordhavn

Kommuneqarfik Sermersuumi ineriartortitsivik nutaaq

Aalajangiiffigisassaq

J.nr.:1804 20B2-B5

Sanarfinermut Avatangiisinullu Ingerlatsivik - pisortaq Mike Jakob Kristiansen / MJKR
Isumaginninnermut, Suliffeqarnermut Inuusutissarsiornermullu Ingerlatsivik - pisortaq Grethe H. Nielsen / GRNI

Suliassamik eqikkaaneq

Suliniut Paamiut Nordhavn – *Kommuneqarfik Sermersuumi ineriartortitsivik nutaaq* maanna sapaatip-akunnerini 8-ni pilersaarusiormut inatsit nutaaq naapertorlugu tusarniaassutigineqareerluni, matumuunalu suliniut inaarutaasumik akuerisassanngorlugu saqqummiunneqarpoq, taamaattorli paarlaassinisaaq aningaasatigut akisussaassuseqartumik sulliarineqarnissaa sillimaffigineqassaaq, kiisalu tamanut ammasumik tamakkiisumik ingerlanneqassalluni. Ingerlatsivimmit naliliineq malillugu, akerliliissutit pilersaarusiap nalilersoqqinnissaanut tunngaviliinngillat.

Suliaq Sanarfinermut Avatangiisinullu Ataatsimiititami 1. novembari oqaluuserineqarpoq, tassanilu inassuteqaatit ataatsimiititami akuersissutigineqarput. Sanarfinermut Avatangiisinullu Ataatsimiititap oqaatigaa, saqqummiussami ilanngussaq 6imi immikkoortut uku sisamat ilanngunneqassasut:

1. nunaminertamik inniminniisoqassasoq immikkoortut A, B aamma C- mut ataatsimoortillugit, taamaalilluni nunaminertamik inniminniineq ataatsimoortillugu atorineqarluni, taamaanngippat atorunnaarsinneqassasoq, tamatumani massakkut manna sillimaffigilereerneaqartariaqarpoq
2. nunaminertamik inniminniisoqassasoq ukiuni marlunni, ukiumik ataatsimik sivitsuisinnaaneq periarfissiissutigalugu. Piffissap taassuma naanerani, nunaminertamik atugassiisoqassaaq inatsimmi atuinissamut piffissaliussat malillugit. Tamanna aamma immikkoortoq C- mut atortinneqarpoq, qinnuteqartup atuinissamut piffissaq sivisunerusoq atussagaluarpagaluunniit
3. innersuussutigineqassaaq, nunaminertamik inniminniineq pillugu nalunaaruteqarnermut atatillugu erseqqissarneqassasoq, inniminniineq nunaminertanut pingasunut ataatsimoortillugit pimmat taakkulu immikkoortut avissaartinneqarsinnaanngitsut kiisalu inatsimmi nalinginnaasumik piffissaliunneqartut malinneqassasut.
4. Oqaatigisariaqarpoq suliassaq/nunaminertamik inniminniineq pillugu akerliliisoqarsimanera, tamannalu pissutigalugu naammagittaalliortoqarnissaa sillimaffigineqassasoq.

Inassuteqaat

Sanarfinermut Avatangiisinullu Ataatsimiititap Aningaasaqarnermut Ataatsimiititamut inassuteqaatigaa:

- suliniut pingaarneq aammalu suliap saqqummiunneqarnerani pissutsit taaneqartut suliap ingerlanneqarnissaa akuersissutigineqassasut, matumani paarlaassinissami Paamiuni Piorsaaviup sannavianut pissutsitigut ajorseriarnermik kinguneqartitsissanngitsoq piunasaqaataasutut ilanngullugu
- suliniut akuerisaq kiisalu ingerlariaqqinnisaaq Kommunalbestyrelsimut akuerisassanngorlugit ingerlateqqinneqassasut

Aalajangerneq

Aningaasaqarnermut Ataatsimiititap aalajangernera sisamanngorneq 3. novembari 2016-imeersoq:
Aningaasaqarnermut Ataatsimiititap inassuteqaatit akuersissutigai.



Suliassamik saqqummiussineq

Kommunalbestyrelsep aggustip 30-anni ataatsimiinnermini suliniut *Paamiut Nordhavn akuersissuteqarfigaa - Kommuneqarfik Sermersuumi inerisaavik nutaaq*, pilersaarusionermut inatsit nutaaq naapertorlugu sapaatip akunnerini arfinilinni piffissami 16 septembarimiit oktobarip 28annut tusarniaassugtiginiarlugu.

Tusarniaaneq qaangiutereerpoq, akerliliissullu sisamat tiguneqarpoq. Akerliliissutit ingerlatsivimmit suliarineqarneri ilanngussaq 1-mi takuneqarsinnaapput.

Illoqarfiup avataatigoortumik aqqusinniornissamik pilersaarut akerliliissutigineqarpoq, motorvejitut angallaffittut assingussammat, aammalu illut marluk nalingat appariaateqassammata. Taamaattumik akerliliissuteqartup 500 000,- koruuninik taarsiiffigineqarnissani kissaatigaa. Aammattaaq teknikkikkut ikkussugassat pillugit tusarniaassummut akissuteqaatinik takkuttoqarpoq, matumani kiassaatinut pilersuinernullu ledningit ilanngullugit, tamannalu pilersaarutip suliaralugu ingerlanneqarnerani sukumiinerusumik suliarineqassasoq ingerlatsivimmit innersuussutigineqarpoq. Aammattaaq parlaassinissaq aningaasatigut akisussaassuseqartumik ingerlanneqarsinnaanera akerliliissutigineqarluni, taamaattumik tamassuma qulakkeerneqarnissaa ingerlatsivimmit innersuussutigineqarpoq.

Pilersaarusiap naatsumik nassuiaatiginera

Suliniut Paamiut Nordhavn – Kommuneqarfik Sermersuumi ineriartortitsivik nutaaq Paamiut talittarfiata avannaata tungaani ineriartortitsiniarluni suliniutaavoq, uku pilersinnissaat kissaatigalugu:

- suliffissuaqarfik 36.000 m² pilersinneqassasoq
- Frederiks Betoncentral ApS-imut taarsiullugu nunaminertaq 20000 m² pilersinneqassasoq
- qaartiterivik 20000 m²-p missaanik angitigisumik allisinneqassasoq
- aqqusinniortoqassasoq angallassuit oqimaatsut umiarsualivik sinerlugu illoqarfik avaqqullugu ingerlaarsinnaalerniassammata
- taartigiittoqassasoq

Immikkoortoq tamaat inuussutissarsiuteqarnermut umiarsualiveqarnermullu atugassaammat pilersaarut kommunimut pilersaarummut naapertuuppoq.

Sumiiffiit ilaanut inniminniinermik qinnuteqarneq Pilersaarusionermut Inatsimmut nutaamut naapertorlugu, Inatsisartut inatsisaat nr. 34, 9. december 2015. Ilanngussaq 2 takuuk.

Aaqqiissutissatut siunnersuut – suliatigut naliliineq

Tusarniaasoqarnerani akerliliissutinik pilersaarutinilluunniit tunniussisoqanngimmat suliniutip nalilersorneqaqqinnissaanik pilersitsisumik, Sanarfinermut Avatangiisinullu Ingerlatsivik naliliivoq pilersaarut pitsaasuusoq, pissutigalugu Pamiuni kommunip pilersaarusionermut periaasianut pingaarnermut "Pisariillisaanermut periarfissanullu nutaanut naleqqussaanermut" naapertuulluarmat.

Paamiuni periaasissaq "Umiarsualivimmi inuussutissarsiutitigut periarfissat nutaat" atorlugit sukumiisumik suliniutissatut ippoq.

Soqutiginnittoq Paamiuni arlalinnik suliffeqarfiuteqarenera aamma pitsaaqutit ilagaat.

Ineriartortitsinissamut pilersaarutip tunngavigaa ima taartigiinnissamut isumaqatigiittoqarmat:



B-109, B-672 & B-964 Kommuneqarfik Sermersuumit Frederikshåb Betoncentral ApS-imit tunniunneqassasut aamma B-626, B-775 & B-798 Frederikshåb Betoncentral ApS-imit Kommuneqarfik Sermersuumut tunniunneqassasut". Tamatuma saniatigut soqutiginnittup Piorsaavimmi sannaveqarnissaa qulakkiissavaa. Taakku pillugit piaartumik kommunalbestyrelsimut immikkut suliasamik saqqummiussassaliortoqassaaq.

Pilersaarummi piffissaliussatut kommunimi politikikkullu nassuiaatigineqartoq Sanarfinermut Avatangiiisnullu Ingerlatsivimmit malugeqquneqarpoq.

Isumaginninnermut, Suliffeqarnermut Inuusutissarsiornermullu Ingerlatsiviup erseqqissarpaa, Piorsaaviup sannaviani ingerlatsinermi atugassat ajornerulersinneqannginnissaat taartigiittoqarnerani, tamannalu taartigiittoqarnerani piumasaqaataavoq.

Ingerlatsiviit tamarmik suliniut akuersaarluarpaat, suliniutilli ajornakusoornera peqqutigalugu, ingerlariaqqinnissami suliniutip immikkuualuttortaasa suliniuteqartumut, tamatumunnga ilaatigut ilanngullugu nunaminertanik atugassiinnermut piumasaqaatit illoqarfimmilu attaveqaatinut tunngasut eqqartornissaat pisariaqassaaq.

Aningaasaqarnikkut sulisoqarnikkullu naliliinerit

Pilersaarusiaq politikikkut inaarutaasumik akuersissutigineqassappat soqutiginnittullu uppersarsinnaappagu, , ingerlatseqatigiiffik suliasamik naammassinnissinnaanersoq pillugu ajornanngippat piginneqatigiiffiup aningaaserivittut attavigisaanit oqaaseqaatinik pissarsinikkut, ukiut marluk tikillugit nunaminertamik atugassamik immikkoortitsisoqarsinnaavoq. Piffissami tamatumani immikkoortoq pillugu nammineq kommunimut pilersaarummut tapiliussamik suliaqassaaq.

Inatsisitigut tunngavissaq allakkallu tunngaviusumik uppersaatitalit

Pilersaarusiorneq aamma nunaminertat atorineqartarneri pillugit Inatsisartut inatsisaat nr. 17, 17. november 2010-imeersoq aamma Inatsisartut inatsisaat nr. 34 9. decembari 2015-imeersoq Inatsisartut inatsisaat nr. 34, 9. decembari 2015-imeersoq

Ingerlariaqqinnissaq

Pilersaarutip "Paamiut Nordhavn"-ip ingerlariaqqinnissaa imaappoq:

1. Kingornalu soqutiginnittumut nunaminertamat iniminniissut ukiuni marlunni atuuttussaq tunniunneqassaaq, soqutiginnittorlu nammineq immikkoortumut sukumiisumik aalajangersagartalimmik kommunimut pilersaarummut tapiliussassatut siunnersuusiussaaq.

Pilersaarutip aningaasatigut piviusunngortinneqarsinnaasoq piginneqatigiiffiup aningaasaateqarfiatigut aammalu/imaluunniit aningaasaliisuatigut uppersarneqarsinnaassasoq iniminniinnermut tunngavineqassaaq.

2. Kommunimut pilersaarummut tapiliussaq naammassippat soqutiginnittoq immikkoortumut atuisinnaatitaalissaaq sanaartornerlu aallartissinnaanngorluni.

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfik oqaaseqaatissaqanngilaq

Innuttaasunik peqataatitsineq/attaveqaatigiinneq

Immikkoortoq pillugu kommunimut pilersaarummut tapiliussassatut siunnersuut nalinginnaasumik siunnersuutigineqassaaq, tusarniaasoqassaaq inaarutaasumik akuersissuteqartoqarluni.



Siusinnerusukku aalajangerneq

Sanarfinermut Avatangiisinullu Ataatsimiititaq aalajangernera marlunngorneq 1. novembari 2016imeersoq:

Sanarfinermut Avatangiisinullu Ataatsimiititaq inassuteqaatit akuersissutigai.

Ima oqaasertalerlugu;

Ataatsimiititaq kissaatigigaa, ilanngussaq 6imi Niels Hansen Dammip allakkiaanut tunngasup ilaa ilanngunneqassasoq.

Immikkoortut sisamat saqqummiussamut ilanngunneqarusuttut tassaapput:

- 1.** nunaminertamik inniminniisoqassasoq immikkoortut A, B aamma C- mut ataatsimoortillugit, taamaalilluni nunaminertamik inniminniineq ataatsimoortillugu atorineqarluni, taamaanngippat atorunnaarsinneqassasoq, tamatumani massakut manna sillimaffigilererqartariaqarpoq
- 2.** nunaminertamik inniminniisoqassasoq ukiuni marlunni, ukiumik ataatsimik sivitsuisinnaaneq periarfissiissutigalugu. Piffissap taassuma naanerani, nunaminertamik atugassiisoqassaaq inatsimmi atuinissamut piffissaliussat malillugit. Tamanna aamma immikkoortoq C- mut atortinneqarpoq, qinnuteqartup atuinissamut piffissaq sivilunerusoq atussagaluarpaguluunniit
- 3.** innersuussutigineqassaaq, nunaminertamik inniminniineq pillugu nalunaaruteqarnermut atatillugu erseqqissarneqassasoq, inniminniineq nunaminertanut pingasunut ataatsimoortillugit pimmat taakkulu immikkoortut avissaartinneqarsinnaanngitsut kiisalu inatsimmi nalinginnaasumik piffissaliunneqartut malinneqassasut.
- 4.** Nalunaarqartariaqarpoq suliassaq/nunaminertamik inniminniineq pillugu akerliliisoqarsimanera, tamannalu pisimasoq naammagittaallortoqarnissaanut sillimanikkut

Ilanngussat

1. Akerliliissutit suliarineqarneri
2. Akerliliissutit
3. Inatsisilerituumit Oqaaseqaatit Advokatfirmaet Malling & Hansen Dammimit
4. Pilersaarusiamik qinnuteqarneq
5. Inatsisartut inatsisaat nr. 34, 9. december 2015-imeersoq
6. Inatsisilerituumit Oqaaseqaatit 2 fra Advokatfirmaet Malling & Hansen Dammimit



06D Aningaasaqarnermut Ataatsimiititamit tunuarniuteqarneq

Kommunalbestyrelsimut ilaasortaq Per Berthelsen (S)

Aalajangiiffigisassaq

J.nr.: 01.02.01

Tamanut Kiffartuussivik - pisortaq Marie Fleischer / MFLE

Suliassamik eqikkaaneq

Aningaasaqarnermut Ataatsimiititap sisamangornermi septembarip ulluisa 22anni ataatsimiinnermini Helene Broberg Berthelsen kommunimi Meeqqanut, Ilaqutariinnut Atuarfeqarnermullu Ingerlatsivimmi pisortatut atorfinitsissallugu aalajangerpaa. Helene Broberg Berthelsen novembarip aallaqqaataani 2016 atorfinissaaq.

Helene Broberg Berthelsen-ip Aningaasaqarnermut Ataatsimiititamut ilaasortaq Per Berthelsen uigivaa aqutsinermullu inatsimmi § 39, imm. 4. naapertorlugu Per Berthelsenip Kommuneqarfik Sermersuumi Aningaasaqarnermut Ataatsimiititamut ilaasortaaginnarnissaanut killilersuissaaq.

Taamaattumik Per Berthelsenip Aningaasaqarnermut Ataatsimiititamit suleqatigiinnilu (Siumut aamma Atassut) tunuarniuteqarnissani pillugu qinnuteqaatini nassiuppaa, taamaattumillu qinigaaffiup sinnerani Aningaasaqarnermut Ataatsimiititamut ilaasortamik nutaamik toqqaasoqassalluni.

Inassuteqaat

Tamanut Kiffartuussiviup Aningaasaqarnermut Ataatsimiititamut inassuteqaatigaa:

- Per Berthelsenip Aningaasaqarnermut Ataatsimiititamit tunuarniuteqarneranut qinnuteqaataa Aningaasaqarnermut Ataatsimiititamit akuersissutigineqassasoq.
- suliaq inaarutaasumik akuersissutigisassanngorlugu Kommunalbestyrelsimut ingerlateqqinneqassasoq, suleqatigiit qinigaaffiup sinnerani Aningaasaqarnermut Ataatsimiititamut ilaasortamik nutaamik toqqaassasut

Aalajangerneq

Aningaasaqarnermut Ataatsimiititap aalajangernera sisamangorneq 3. novembari 2016-imeersoq: Aningaasaqarnermut Ataatsimiititap inassuteqaatit akuersissutigai.

Per Berthelsen (S) suliamut tunngatillugu attuumassuteqarpallaarnini nalunaarutigaa immikkoortullu oqaluuserinerani ataatsimiittarfimmit anilluni.

Suliassamik saqqummiussineq

Aningaasaqarnermut Ataatsimiititap sisamangornermi septembarip ulluisa 22anni ataatsimiinnermini Helene Broberg Berthelsen kommunimi Meeqqanut, Ilaqutariinnut Atuarfeqarnermullu Ingerlatsivimmi pisortatut atorfinitsissallugu aalajangerpaa.

Matumani aporfiusoq tassaavoq, Helene Broberg Berthelsenip Aningaasaqarnermut Ataatsimiititamut ilaasortaq Per Berthelsen uigimmagu aammalu aqutsinermut inatsimmi § 39, imm. 4., taanna naapertorlugu Per Berthelsenip Kommuneqarfik Sermersuumi Aningaasaqarnermut Ataatsimiititamut ilaasortaaginnarnissaanut killilersuissaaq.

§ 39, Imm. 4. "Kinaluunniit kommunalbestyrelsimi atorfeqartitaasumut katissimallugu imaluunniitkatissimangikkaluarlugu inooqateqartumut aappaasoq ilaasortaasinnaanngilaq 1) ataatsimiititaliami ataavartumi, atorfeqartoq imm. 2 naapertorlugu ataatsimiititaliami ataavartumi ilaasortaasinnaanngippat, aamma/imaluunniit



2) aningaasaqarnermut ataatsimiititaliami, atorfeqartoq toqqaannartumik akisussaasuuppat imaluunniitpisortaaqataappat ingerlatsivimmi aningaasaqarnermut ataatsimiititaliamut imaluunniitataatsimiititaliamut ataavartumut attuumassuteqartumi."

Per Berthelsenip qinnuteqaat una Borgmesterip Allatseqarfianut nassiuppaa:
"Nuliama Helene Berthelsenip Kommuneqarfik Sermersuumi atuarfeqarnermut il. il. pisortatut atorfininnera pissutigalugu, kommunimi Aningaasaqarnermut Ataatsimiititamit ilaasortatut periarfissaq siulleq atorlugu tunuarniuteqarnissara qinnutigaara. Naatsorsuutigaara kommunalbestyrelsimut ilaasortatuinnaq qinigaaffik una naammassisinnaallugu. Ilisimatitsissutigisinnaavara qinigassanngorteqqissannginnama.

Inussiarnersumik inuulluaqquusillunga

Per Berthelsen"

Taamaattumik gruppimit (Siumut aamma Atassut) Aningaasaqarnermut Ataatsimiititamut ilaasortatut Per Berthelsenimik toqqaasimasut qinigaaffiup sinnerani Aningaasaqarnermut Ataatsimiititamut ilaasortaasussamik toqqaasoqassaaq.

Aaqqiissutissatut siunnersuut – suliaticut naliliineq

Meeqqanut, Ilaqutariinnut Atuarfeqarnermullu Ingerlatsivimmi pisortatut Helene Broberg Berthelsenip Tamanut Kiffartuussivimmi pisortaq suleqatigalugu Meeqqanut, Ilaqutariinnut Atuarfeqarnermullu Ataatsimiititaq sullisissavaa. Tamatuma saniatigut Meeqqanut, Ilaqutariinnut Atuarfeqarnermullu Ingerlatsivimmi siuttuussaaq.

Taamaattumik Helene Broberg Berthelsenip Meeqqanut, Ilaqutariinnut Atuarfeqarnermullu Ingerlatsivimmi pisortatut sulilernerata kinguneranik Per Berthelsenip inissisimanera aqutsinermut inatsimmi § 39, imm. 4, nr. 2mut attuumassuteqalissasoq qularnanngilaq.

Helene Broberg Berthelsen 1. novembari 2016imi pisortatut atorfinissaaq taamaattumillu Per Berthelsen Aningaasaqarnermut Ataatsimiititap ataatsimiinnissaani tulliani tunuarniuteqarnissamut qinnuteqartariaqarluni.

Aningaasaqarnikkut sulisoqarnikkullu naliliinerit

Aningaasaqarnermut Ataatsimiititami ilaasortanngortussaq Nuummi najugaqareersimasuussappat Aningaasaqarnermut Ataatsimiititami ataatsimiittoqarnissaanut peqataajartornermut atatillugu angalanernut aningaasartuuteqarfiussanngilaq.

Aningaasaqarnermut Ataatsimiititami ilaasortanngortussaq Nuup avataani najugaqarpat taannalu oqarasuaatikkut isiginnaarulluunniit aqutugalugu peqataasassappat, Aningaasaqarnermut Ataatsimiititami ataatsimiittoqarnissaanut peqataajartornermut atatillugu angalanernut aningaasartuuteqarfiussanngilaq. Ataatsimiititani ataavartuni ilaasortat sinerissami najugaqartut oqarasuaat isiginnaarulluunniit aqutugalugu peqataasarnerat ileqquuvoq.

Inatsisitigut tunngavissaq allakkallu tunngaviusumik uppersaatitallit

Kommunit aqunneqarnerat pillugu Inatsisartut inatsisaat nr. 22, 18. november 2010-meersoq

Ingerlariaqqinnissaq

Borgmesterip Allatseqarfiata qulakkiissavaa, Kommunalbestyrelsip aalajangernerata piviusunngortinneqarnissaa, oqartussaasunullu attuumassuteqartunut ingerlateqqissallugu.



Aningaasaqarnermut Allatseqarfimmit oqaaseqaatit

Oqaaseqaateqartoqanngilaq

Innuttaasunik peqataatsineq/attaveqaqatigiinneq

Kommunalbestyrelsip ataatsimiinnerata kingorna Aningaasaqarnermut Ataatsimiititami ilaasortanngortoq kommunip nittartagaatigut nalunaarutigineqassaaq.

Ilanngussat

Soqanngilaq



06E Atuarfeqarneq pillugu politikkissap akuerineqarnera

Aalajangiiffigisassaq

J.nr.: 51.00.20.02

Meeqqanut, Ilaqutariinnermut Atuarfeqarnermullu Ingerlatsivik - pisortaq Helene Broberg Berthelsen / HEBE

Suliassamik eqikkaaneq

Meeqqanut, Ilaqutariinnut Atuarfeqarnermullu ataatsimiititaq augustip aappaanni aalajangerpoq allaqqitassiaq atuarfeqarneq pillugu politikkissaq tusarniaaffigisassanngorlugu nassiunneqassasoq. Tusarniaaneq oktoberip 2.-ni naammassivoq. Tusarniaanermi akissutit kiisalu atuarfeqarneq pillugu politikki suliaq Meeqqanut, Ilaqutariinnut Atuarfeqarnermullu Ataatsimiititamut saqqummiunneqassaaq, akuerisassanngorlugu.

Suliaq Meeqqanut, Ilaqutariinnut Atuarfeqarnermullu Ataatsimiititami 12. oktobari oqaluuserineqarpoq, tassanilu inassuteqaatit ataatsimiititamit akuersissutigineqarput. Tamatumalu kingornagut suliaq naammassineqarnissaanut Ilangussat 1imiit 14imut Aningaasaqarnermut Ataatsimiititamut nassiunneqarput.

Suliaq Aningaasaqarnermut Ataatsimiititap oktoberip 27anni ataatsimiinnerani oqaluuserisassanut ilaavoq, tassanilu Aningaasaqarnermut Ataatsimiititaq aalajangerpoq, novembarip pingajuanni immikkut ittumik ataatsimiinnermini suliaq qaqeqqinneqassasoq, tassani tusarniummut akissut suliamut tunngasoq ingerlatsivimmit tiguneqarsimasoq Aningaasaqarnermut Ataatsimiititap takorusullugu.

Inassuteqaat

Meeqqanut, Ilaqutariinnut Atuarfeqarnermullu Ataatsimiititap Aningaasaqarnermut Ataatsimiititamut inassuteqaatigaa:

- Atuarfeqarnermut politikki akuersissutigineqassasoq
- suliaq Kommunalbestyrelsimut inaarutaasumik akuerisassanngorlugu ingerlateqqinneqassasoq.

Aalajangerneq

Aningaasaqarnermut Ataatsimiititap aalajangernera sisamanngorneq 3. novembari 2016-imeersoq: Aningaasaqarnermut Ataatsimiititap inassuteqaatit akuersissutigai.

Imaattumik allannguuteqartillugu:

Aningaasaqarnermut Ataatsimiititap kissaatigaa marsimi periusissatut pilersaarut.

Per Berthelsen (S) suliamut tunngatillugu attuumassuteqarpallaarnini nalunaarutigaa immikkoortullu oqaluuserinerani ataatsimiittarfimmit anilluni.

Suliassamik saqqummiussineq

Tusarniaanermi akissuteqaatit 11-llit tiguneqarsimapput. Tamatuma avataatigut atuarfeqarfimmi immikkoortortamiik suleqataasoq, atuartut siunnersuisoqatigiivi ataatsimiinnerani najuussimavoq, tassanilu atuarfeqarneq pillugu politikkissaq eqqartorneqarsimalluni.

Tusarniaassummut akissuteqaatit takkussimasut tungavigalugit minnerusumik allaaserisap oqaasertaani aaqiissutinik ilangussaqaqarnernik peqquteqarpoq.



Aaqqiissutissatut siunnersuut – suliatigut naliliineq

Tusarniaanermi akissuteqaatit 14-nit tiguneqarsimapput, inuinnarnik marluk. Sisamat atuarfiup siulersuiniit aamma AHL-imi ilinniartitsisunit, Nuussuup Atuarfia, Atuarfik Tuiisaq aamma Kulusummi Aliarpik, kiisalu USK-imi atuartut siunnersuisoqatigiivinik aamma Kulusummi Alivarpi. Tamatuma avataatigut tusarniaanermi akissuteqaat IMAK-imiik tiguneqarsimavoq aamma Sulisitsisut-nit. Tusarniaanermi tallimat akuersaarput ikittunguanik imaluunnit aaqqiissutissanik peqaratik. Sinneri aaqqiissutissanik allannguutissanilluunniit siunnersuuteqarsimapput, siunnersuutillu sapingisamik tulluarsarneqarsimallutik. Tusarniaanermi akissuteqaatini arlalinni isornartorsiuutini apeqquserneqarpoq/siunnersuutigineqarpoq qanoq atuarfeqarneq pillugu politikki piviusunngortinneqassanersoq.

Tassani atuarfeqarnerup pillugu politikkiata aallaqqaasiutaani erseqqissarneqarpoq, kommunalbestyrelsep kissaataasa tungaanut atuarfeqarneq pillugu politikki sammitinneqassasoq. Atuarfeqarneq pillugu politikkiisaq akuerineqarpat Ingerlatsiviup atuarfeqarfiillu tamanna piviusunngortissavaat. Atuarfeqarneq pillugu politikkiisaq piviusunngortinneqarpat, tusarniaanermi akissuteqaatini siunnersuutit arlallit sulinermi ilangunneqassapput. Tamatuma avataatigut innersuussutit 16-nit Nakuusamiinngaaneersut kiisalu atuartut siunnersuisoqatigiivinik pissarsiat sulinermi ingerlaqqinnermi ilaajumaarput.

Aningaasatigut sulisoqarnikkullu naliliinerit

- Aalajangiinermi aningaasatigut missingersuutini aalajangikkat sunnerneqaatigineqassanngillat.

Inatsisitigut tunngavissaq allakkallu tunngaviusumik uppersaatitallit

Inatsisartut inatsisaat nr. 15, 3. December 2016-imeersoq Atuarfeqarneq pillugu.

Ingerlariaqqinnissaq

- 12. Oktobari: Atuarfeqarneq pillugu Politikkiisaq Meeqqanut, Ilaqutariinnut Atuarfeqarnermullu Ataatsimiititamut saqqummiunneqassaaq.
- 27. Oktobari: Atuarfeqarneq pillugu Politikkiisaq Aningaasaqarnermut Ataatsimiititami akuerineqartussanngorlugu tassunga saqqummiunneqassaaq.
- 15. Novembari: Atuarfeqarneq pillugu Politikkiisaq Kommunalbestyrelsimi akuerineqartussanngorlugu tassunga saqqummiunneqassaaq.

Atuarfeqarneq pillugu Politikkiisaq akuerineqassappat taassuma piviusunngortinneqarnissaanut Ingerlatsivimmi sulisut sulillutik aallartissapput. Tamanna atuarfinni pisortat soqutigisaqatigiillu allat qanimut suleqatigalugit pissaaq.

Aningaasaqarnermut Allatseqarfimmit oqaaseqaatit

Aningaasaqarnermut allattoqarfimmut nassiunneqanngilaq.

Innuttaasunik peqataatsineq/attaveqaatigiinneq

Atuarfeqarneq pillugu politikki atuarfeqarfimmut nassiussuunneqarsimavoq. Atuarfeqarfiit qinnuivigineqarsimapput atuarfeqarnermut politikki atuartut siunnersuisoqatigiivinut, atuartut siulersuisuinut, ilinniartitsisunullu tigorianaanngorlugu. Tusarniaaneq Nuuk Ugeavisimi nittarsaanneqarsimavoq kiisalu kommunit allaffianni/Innuttaasut sulliviinut agguaneqarsimalluni, illoqarfimmi nunarfinnilu ussassaarutineqarsimalluni.

Atuarfeqarneq pillugu politikki Ilinniartitaanermut Naalakkersuisoqarfimmut, Sulisitsisut-nut, Greenland Business aamma Foreningen Grønlandske Børn-mut nassiussuunneqarsimapput. Tamatuma avataatigut atuartut siunnersuisoqatigiivi ataatsimeeqatigineqarsimapput.



Siusinnerusukkut aalajangerneq

Aningaasaqarnermut Ataatsimiititaq aalajangernera, sisamangorneq 27. oktobari 2016-imeersoq:
Aningaasaqarnermut Ataatsimiititaq novembarip pingajuanni immikkut ittumik ataatsimiinnermi suliaq qaqeqqinniarpaa, tassa tusarniummut akissut suliamut tunngasoq ingerlatsivimmit tiguneqarsimasoq Aningaasaqarnermut Ataatsimiititaq takorusummagu.

Ilanngussat

1. Atuarfeqarneq pillugu politikki 2016



7. Immikkoortut matoqqasut

07A Sulisoqarnermut tunngatillugu suliaq

Aalajangiiffigisassaq

J.nr.: 02.00.05

Tamanut Kiffartuussivik - pisortaq Marie Fleischer / MFLE



8. Taasariaqartut allat

Peter Davidsen (S) Nuussuup Atuarfiani qarasaasiatigut ajornartorsiuteqartoqartoq eqqaavaa, atortussanik inniminniinermi aammalu atuartitsinermi atortussat pillugit. Lars Møller Sørensenip atuarfinni qarasaasianik atuinermi unammilligassat assigiinngitsut nassuiaateqarfigai, tassunga ilanngullugit iPadsinut tunngasut.



9. Imaqarniliap akuerineqarnera

Imaqarniliaq sisamangornermi novembarip 3-anni 2016 nal. 15.35 akuersissutigineqarpoq.